



27. maj 2026

UPA2026/173

Inuiaqatigiit nunatsinni tarnikkut peqqinnerulernissaannik siunertaqarluni periusissiamik UPA2027-mut Naalackersuisut suliaqaqqullugit peqquneqarnissaanik Inatsisartut aalajangiiffissaattut siunnersuut.

(Inatsisartunut ilaasortaq, Nivi Rosing , Inuit Ataqtigiit)

Siullermik siunnersuuteqartoq Siumumiit qutsavigaarput siunnersuummik pingaarutilimmik oqallisigissallugulu pisariaqartumut siunnersuutaanut. Imatullu oqaaseqarfigissuarput.

Siumup tungaaniik oqaatigissuarput tarnikkut peqqissuseq/peqqissuunnginnerluunniit ataasiinnaanngitsumut tunngamat. Inuit ulluinnarni atugaannut tunngavoq, toqqissisimaneq, ataatsimoorneq siunissamullu neriuteqarnermut aamma tunngasuulluni. Nunatsinni inuit amerlavallaartut tarnikkut artorsaateqarlutik, ilaatigut sakkortuumik misigisaqarsimanermiit kiserliulernermi eqqarsaatit pitsaasuunngittut tikittarsimassagaat qularnanngilaq, soorlu imminornissamik eqqarsaateqarneq. Tamanna inuiaqatigiittut ataatsimoorluta iliuuseqarfigisariaq-qarparput.

Siunnersuuteqartup kisitsisit tunngavilersuummi ilanngutai ilmoortut saqqummiunneqartut ilungersunarluinnartuummata Siumumiit oqaatigerusuppagut. Meeqqat Inuusuttullu amerlavallaat nakuusernermik, sumiginnagaanermik aammalu kinguaassiutitigut atornerluinermit qanittumik misigitaasimallutik peroriartorput. Amerlavallaat sakkortuumik misigisaqarsimallutik kiserliorlutik/kisimiillutik inooqataapput. Tamanna inuiaqatigiit nukittuut toqqissisimasullu pilersin-niarlugit oqalliffigisatsinni akuersaarneqarsinnanngilaq.

Siumumit isumaqarpugut inuiaqatigiittut allanngoriartorerit sukkasuumik pisimasut aammalu oqaluttuarisaanermi aqqusaarsimasat ilaqutariinnut amerlasuunut sunniuteqarsimasut kinguneri inuuffigigivut. Taamaattumik pingaarutilittut isigaarput tarnikkut peqqissuunissaq pillugu suliniutit qalliinnarsiortuunngittut sukumiinerusulli ingerlanneqarnissaat. Pingaaruteqarpoq ataatsimoo-russamik ungasinnerusorlu isigalugu periusissamik suliaqartoqarnissaa. Pinaveersaartitsineq, siusissukkut iliuuseqarneq, katsorsaaneq aammalu ingerlariaqqinnissamut sakkussaqaalersitsisima-nissaq siunertaralugit nukittorsaanissap anguniarnissaa.

Peqatigisaanik erseqqissassuarput ullumikkut sorpassuartigut pinaveersaartitsillutik suliaqartor-passuit peqatigisaanillu toqqissisimanermik pilersitsisut puigunnginnatsigit. Ilaatigut Timersoqatigiiffiit meeqqanik inuusuttunillu sunngiffitsik annertoq atorlugu sulinerikkut ullormut nuannarisaannik qilanaaruteqartitsiuarlutik sulinerannut. Tamakku suliaat iluatsittut sunniutaalu ajunngittut peqataatillugit periusissiortoqaqqissappat atorluarlugit ingerlaqqittaria-qarpugut.

Aammalu ingerlaqqinnissami Naalackersuisut kaammattorusuppagut siusinnerusukkut Kommuunit Namminersorlutillu Oqartussat suleqatigiillutik aningaasatigullu avitseqatigiillutik Kommuneni tamani (Kommunetoqqani) pinaveersaartitsinermik siunnersorteqartitsinerup ingerlanneqarsimanerata ajunngittortarisimasai misissuataaqullugit.



Pingaartitatsinnut ilaasoq periusissior-nissamut Kalaallit naleqartitaat namminerlu Kulturerput tunngavigineqassasut Siumumiit oqaatigissuarput. Oqaatsivut, kinaassuserput, pinngortitamik paasinnittaaserput, ataatsimoorneq aammalu ilaqutariittut ataqatigiinneq nukittoq. Pisuussutaapput tarnikkut peqqissuuneq pillugu suliner-mi ator-neqartariaqartut. Inuit amerlasuut immami nunam-ilu inuussutissarsiuteqarneq nalunnginnerpaasaat ilanngullugu aallaavigalugulu suliniutinut toqqammavigineqarnissaat Siumumiit kaammaattuutigissuarput.

Issittormioqatigut naggueqatigullu imminut toqottarnermut uatsinnut assigusumik ajornatorsiuteqartut ataavartumik suliniuteqartu-artsut siunnersuuteqartup taavaa. Taamaamat Siumumiit siunnersuuteqartoq isumaqatigaarput suleqatigissagigut misilittakkanillu avitseqatigalugit. Soorunami Nunatsinni pisariaqartitat nunaqqatittalu atungaat pingaarnerpaatillugit periusissiaq ineriartortinneqassooq.

Siumup aamma erseqqissarusuppaa periusissiap kisimiilluni ajornartorsiunik aaqiisuunngimmat. Tamatuma kingorna iliuusissat aalajangersimasut salliutitsinerillu qulakkeerneqartariaqarput. Allanguisoqassappat ilaqutariinnut tunngasut nukittorsarneqarnissaat, tarnip pissusaanik immikkut ilisimasalinnik ikiorserneqarnissamut periarfissat pitsaanerulernissaat, meeqqat inuusuttullu periarfissaasa pitsaanerulernissaat kiisalu imigassamik atornerluineq, nakuuserneq kinguaassiutitigullu atornerluineq pillugit immikkut ukkassisoqarnissaa pisariaqarpoq.

Naggataatigut Siumumiit oqaatigissuarput siunnersuut innuttaasut tarnikkut peqqissuunerannut tunngatillugu ataatsimoornerusumik suliniuteqarnermut pingaarutilimmik alloriarnerusoq.

Taamatut Siumumiit oqaaseqarlunga Naalakkersuisut allannguutissatut siunnersuutaat taperserparput

Jess Svane SIUMUT